

DNPCK REALIZA SEMINARIU PREVENSAUN KONFLITUS IHA AUHUN

Kinta-Feira, Loron 4 Fulan Abril tinan 2019, Sekretariu Estadu Protesaun Sivil (SEPC) Dr. Alexandrino Xavier Araujo, halo abertura ba seminariu ho tema Prevenaun Bele solusiona dezentendimentu iha sosiedade hodi kontribui ba prevenaun konfliktu no dezentendimentu sustentavel, ba comunidade Aldeia Auhun, Suco Becora, Postu Administrativu Cristo Rei, Munisipiu Díli ne'ebe akompanha hosi representante Administrador Munisipiu Díli, Sr. Fernando de Araujo. Objetivu husi seminariu ne'e atu hametin seguransa, harmonia, paz no estabilidade, habelar informasaun hodi aumenta koñesimentu no konsensia comunidade nian konaba prevenaun konfliktus iha Postu Administrativu Cristo Rei, Munisipiu Dili. Konsensializa comunidade sira konaba importansia papel PNTL hodi hametin seguransa paz no estabilidade, habelar informasaun konaba lei nain ba rai iha comunidade sira no oinsa atu hasae konsiensia comunidade nian konaba prevenaun konfliktu iha area disputa rai. Iha abertura membru Oitavo Governu Konstitusional ne'e mensiona katak, konfliktus mosu tanba problema natural maibe hanesan sidadaun diak buka malu hodi hetan solusaun liu husi dalan dialogu. Iha Dili problema ne'ebe as liu mak problema disputa rai no platasaun, "hau mai iha ne'e atu hare konaba prevenaun. Konfliktus ne'ebe mosu hanesan problema natural maibe oinsa buka solusaun, klaru ke difisil atu halakon maibe hanesan moto DNPCK nian katak "diak liu prevene duke kura", salienta Sekretariu Estadu Protesaun Sivil. Hanesan sidadaun diak presija kontrola no buka meius atu tur hamutuk ho autoridade sira hodi hetan solusaun ba problema sira ne'ebe ita hasoru, karik diskuti malu konaba negosiu e la intende malu, hadau malu rai ou plantasaun, bolu autoridade lokal sira , postu Administrativu Cristo Rei ninian hodi solusiona. teknik membru oitavu governu ne'e. Iha biban ne'e, Sekretariu Estadu Protesaun Sivil husu ba autoridade lokal sira parte suku Becora ninian, presija identifika sidadaun sira ne'ebe liu ona idade 35 ba leten ne'ebe foin bele hakarak trata kartaun eleitoral. autoridades lokais presija halo uluk identifikaun ba pessoal refere antes tama prosesu tuir mai, buka kordena ho autoridade lokais sira seluk iha munisipiu Dili ninian. Membru VIII Governu ne'e informa katak, ikus-ikus ne'e comunidade balu matenek demais hakarak troka kartaun eleitoral tuir sira ninia nesidades, tan ne'e presija halo kordenasaun no komunikasaun entre autoridade lokal husi aldeia ida ho aldeia seluk, ho nune'e bele hatene comunidade sira ninia paradeiru anterior hodi bele hetan justifikasaun, selae bele mosu dezintendimentu ne'ebe ladiak hosi comunidade sira, hosi hahalok sira ne'ebe bele mosu konfliktu. Entretantu Seminariu ne'e halao bazeia ba Dekretu Lei número 35/2015, loron 16 fulan setembru tinan 2015, artigu 12 konaba Diresaun Nasional Prevenaun Konfliktus Komunitaria ninia knar oinsa atu implementa, jere no dezentendimentu atividades konaba peskiza, avaliasaun no formasaun, ho hanoin ida konaba estratejia prevenaun, mediasaun no mos rezolusaun konfliktus komunitaria. Atu kompleta knar sira ne'ebe mensiona, Diresaun Nasional Prevenaun Konfliktus Komunitaria (DNPCK) identifika ona sinais konfliktus ne'ebe a'as iha munisipiu Dili, maka hanesan kazu disputa rai no plantasaun inklui aldeia Auhun, comunidade bele hamosu violensia entre ema ida ho ema seluk ou hosi grupu ida ho grupu seluk entaun bele prejudika comunidade sira seluk labele



halao atividade lor-loron tanba hetan ameasa e trauma. Oradores ba seminariu ne'e Sekretariu Estadu Terras e Propriedades, ho materia konaba Lei Direitu Nain ba Rai, Diretora Instituto Nasional Dezenvolvimentu Mão de Obra (INDMO), koalia konaba Kapasitasaun vokasionais ba Juventudi sira, parte PNTL koalia konaba papel PNTL hodi hametin paz no estabilidade. seminariu refere partisipa diretamente hosi comunidade aldeia Auhun, Xefe Suku Becora, Sr. Antonio da Silva no akompanha hosi media sira. [#Ekipa](#) media-MI#